



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დოგმატიკა

დოგმატიკა, ქრისტიანული სასულიერო მწერლობის დარგი, მოძღვრება საღვთისმეტყველო დოგმების შესახებ.

მასში გადმოცემულია ქრისტიანობის ფილოს.-თეოლ. არსი. დ. წარმოიშვა წარმართობის, იუდაიზმისა და მწვალებლობის წინააღმდეგ ბრძოლაში ქრისტ. სარწმუნოების დაცვისა და განმტკიცებისათვის. დ. ქართ. სას. მწერლობის მნიშვნელოვანი დარგია. დოგმატიკური თხზულებების ქართულად თარგმნა დაიწყო ადრინდ. შუა საუკუნეებში.

X-XII სს-ში დოგმატიკური მწერლობა თავიანთი შემოქმედებით გაამდიდრეს ექვთიმე და გიორგი მთაწმიდელებმა, თეოფილე ხუცესმონაზონმა, ეფრემ მცირემ. განსაკუთრებული წვლილი მიუძღვის არსენ იყალთოელს. მან თარგმნა ბიზანტ. დ-ის საუკეთესო ნიმუშები და შეადგინა ორიგინ. კრებ. „დოგმატიკონი“, რ-მაც დიდი გავლენა იქონია შემდგომი ხანის ქართ. მწერლობაზე.

XVII-XVIII სს-ში საქართველოში იწერებოდა „კატეხიზმოს“ ტიპის სახელმძღვანელოები, მნიშვნელოვანია ს.-ს. ორბელიანის „საქრისტიანო მოძღვრება“ („სამოთხის კარი“).

ლიტ.: კ ე კ ე ლ ი ძ ე კ., ქართული ლიტერატურის ისტორია, ტ. 1, თბ., 1960.

ი. ლოლაშვილი
